

## Peqqussutissatut siunnersuummut oqaaseqaatit

**Oqaaseqaatit nalinginnaasut**1. Peqqussummik siunnersuuteqarnermut tunuliaqutaasut

Siunnersuuteqarnermi aallaaviupput malittarisassanut atuuttunut ataasiakkaannguanut atatillugu naapertuutinngitsut paasineqarsimaneranni aaqqiissuteqarusunnermik kissaateqartoqarnera. Tamakku ilaatigut tassaapput ilinniarnermut tassunga qinnuteqartut akuerineqarnissamut periarfissinneqarnissaannut atatillugu aalajangersimasunik ukioqarnissamik piumasaaqat ullutsinnut naleqqukkunnaartutut isigineqartoq. Tamatumunnga tunngavigineqarpoq ullumikkut Kalaallit Nunaanni ilinniagaqarniartut nalinginnaasumik inerisimanerat inuiaqatigiittut ineriartornitsinnut naleqquttuummat. Tamatumunngalu atatillugu maluginiarneqassaaq ilinniarniakkamut atatillugu tassunga attuumassuteqartumik minnerpaamik ukiumi ataatsimi sulii-nikkut misilittagaqarsimanissaq akuerisaanissamut piumasaaqatit sulii atuutsinneqarmat. Tamakkorpiaat pillugit ilinniartussanik akuersisarnermi aalajangersimasunik ukioqarnissamik piumasaaqarneq taamaatitinneqarsinnaavoq. Aalajangersimasunik ukioqarnissamik piumasaaqarneq ilinniartunngorsinnaagaluartunik pisariaqanngitsumik killilersuinermik kinguneqartartutut isigineqarpoq, tassami peqqussummi allaqqasut ilinniartussatut akuerineqarnissamut periarfissat allat naammaginarlutut isigineqarmata. Qanoq ukioqarneq aallaavigalugu ilinniartussatut akuerineqartussanik killilersuinerup atuutitinneqarnissaa ilanngunneqarsima-voq qulakkeerniarlugu ilinniarniarlutik qinnuteqartut inerisimanissaat, tamannalu ullumikkut inuiaqatigiinni pissutsit aallaavigalugit pisariaaruttutut isigineqarpoq.

Taakkua saniatigut siunnersuuteqarnermut ilaapput amigaataasut maalaarnermi piffissaliissutit ilinniartut ilinniarnerminnik unitsitsisimasut ilinniarnerminnik aallartitseqqinniarlutik qinnuteqartut aalajangiiffigineqartarnerannut, ilinniartut ilinniarnerminnit soraarsitaasarnerrannut kiisalu alluinissamut aamma semesterimik uteqqiinissamut aalajangiisarnernut tunngassuteqartut.

2. Peqqussutissatut siunnersuummi immikkoortut pingaarnerit

a) Inatsisitigut aalajangersakkat atuuttut

Inatsisartut peqqussutaat atuuttoq tunngavigalugu ilinniartuq ilinniarnep aallartinnerani 20-nik ukioqalersimangitsoq ilinniarnep aallartitsinissamut akuerineqarnissaminut periarfissaqanngilaq. Tamanna atuuppoq ilinniartuq ilinniarnertuunngorniarfimmi ilinniarnep assigisaanilluunniit naammassinnissimagaluarpuunniit aamma minnerpaamik ukiumi ataatsimi ilinniagassamut naleqquttumik sulinikkut misilittagaqaraluarpuunniit.

Kiisalu takuneqarsinnaavoq ilinniarnep unitsitsisimasut ilinniakkamik aallartitseqqinnissaasa aalajangiiffiqarneqannut taamatullu ilinniarnep soraarsitaanep anisitaanep aalajangiiffiqarsimasut maalaaruteqarsinnaanissamut piffissalernerneqarnerat nutarteriffiqarsimangitsoq. Soorlu aamma alluinermi semesterimilluunniit uteqqiinermi aalajangiinernut maalaarutinut taamatut aamma amigaataapput. Taamaattumik nalornissutaavoq rektorip aalajangigai, qaammatit arlaqartut imaluunniit ukioq sinnerlugu sioqqullugit Ilinniartitaanermut Siunnersuisoqatigiit tigoreersimasaat, Ilinniartitaanermut Siunnersuisoqatigiit piviusumik suliarissallugit ilumut qanoq annertutigisumik pisussaaffeqarnerut.

#### b) Siunnersuut

Aalajangersimasunik ukioqarnissamik piunasaqaammik atorunnaarsitsinissaq siunertaralugu allannguutissatut siunnersuutip kingunerisussaavaa siunissami perorsaasutut ilinniarnissamut akuerineqassagaanni gymnasiumi assigisaanilluunniit naammassinnissimanissamik piunasaqarnissaq kiisalu minnerpaamik ukiumi ataatsimi tassunga tunngasumik suliaqarsimanissaq.

Tamatuma kingorna ilinniarnep akuerineqarnissamut itigartitsinermi ilinniartup ilinniarnep aallartinnerani 20-nik ukioqalereersimanissaanik piunasaqartarneq tunngavilersuutigissallugu pisariaarutissaaq.

Maalaaruteqarnissamut piffissaliinerit ilanngunneqarnerisa kingunerisussaavaat ilinniartut maalaaruteqarnissamut sapaatipakunneri sisamat qaangiutsinnagit qanoq iliuuseqarnissamut pisussaaffilerneqarnerat. Tamanna ilinniartup ilinniarnep unitsitsisimasup aallartitseq-qinnissaanut qinnuteqarneranut tunngatillugu rektorip aalajangiineranut aamma rektorip ilinniartumik ilinniarnep anisitsineranut tunngatillugu maalaarnerut atuuppoq. Tamanna aamma alluinermit semesterimillu uteqqissinnaanermut attuumasunut rektorip aalajangiineranut maalaarutinut atuuppoq. Taamaalillunilu Ilinniartitaanermut Siunnersuisoqatigiit piffissap aalajangikkap iluani naammagittaalliummut atatillugu pissutsit piviusut tunngavigalugit suliaqarnissamut pisussaaffilerneqarput. Tassa imaappoq maalaarutit piffissaliussamik qaammatinik arlalinnik kingusinaartumik nassiunneqarsimasut pissutsit piviusut tunngavigalugit suliarineqarsinnaanngillat. Siunertaanngilarli pissutissaqartillugu nammineq pisuussuteqarnani piffissaliinernik qaangiitsiarnerit Ilinniartitaanermut Siunnersuisoqatigiinnit qissimigaarneqarnissaannik pinngitsuutitsiniarneq, tamannali aalajangiiffiqarsimangitsoq piffissamik qaangiinernut siviussuseq pissutaasorlu tunaartaralugu ilaatillugu aalajangiinerup maalaarutinut sunniutissaa. Piffissamik qaangiinerit pissutissaqartinneqartut eqqarsaatigalugit tassaasorinneqarsinnaapput silap pissusaanit pissuteqartumik maalaarutip

kingusinaartumik takkunera imaluunniit pissutsit allat allakkat ingerlaarnerannik kinguarsaasut. Tamakku saniatigut tassaasinnaapput uppersarnerqarsinnaasumik ilinniartup piffissami sivisunerusumi maalaarutip piffissamik killiliiffiqarnera tikillugu napparsimasimaneera.

Ilanngullugu erseqqissagaavoq maalaarutit allakkatigut tunniunneqartassammata.

### 3. Pisortat ingerlatsiviinut aningaasatigut ingerlatsinikkullu kingunerisassat

Peqqussutip allanngortinnissaanut siunnersuut Kalaallit Nunaanni Namminersorlutik Oqartussat kommunillu ingerlatsiviinut aningaasatigut ingerlatsinikkullu annertunerusumik kingune-qartussaangitsutut nalilerneqarpoq. Kisiannili naatsorsuutigisariaqarpoq ilinniarniarlutik qinnuteqartut ataasiakkaat ilinniarfimmu isersinnaalernissaat sukkanerulissasoq, tassa aalaja-ngersimasumik ukioqalereernissamik piunasaqaatip atorunnaarsinnissaa aalajangiiffiqarpat. Tamatumunnga tunngavigineqarpoq ilinniarneqartussamut tassunga qinnuteqartut ataasiakkaat soorlu assersuutigalugu gymnasiami naammassereersimasut perorsaanermut naleqquttumik minnerpaamik ukiumi ataatsimi sulinermik misilittagaqareersimasut sukkanerusumik ilinniarfimmu isersinnaalissasut, ilinniarnarup aallartinnerani 20-nik ukioqalereersimanissamik piunasaqaat kinguarsaatigeqqaarnagu. Tamatumunngali atatillugu ilanngullugu maluginiarneqartariaqarpoq ilinniartut ilinniakkamut pineqartumut tassunga qinnuteqartussat qassinik amerleriaateqassanersut maannangaq naatsorsussallugu periarfissaqarsimanngimmat, tamatumunngalu ilanngullugu aammattaaq ilinniartut qassit perorsaanermik ilinniarfimmu, ilinniarfimmu allanut qinnuteqarnissamut taarsiullugu, siunissami qinnuteqarniarlutik toqqaanissamut kajungernerulissanersut maannangaq nalilersorneqanngimmat. Tamatumunnga tunngavigineqarpoq qinnuteqarniarnermi gymnasiami tassungaluunniit assingusumi naammassereersimanissamik piunasaqaammut atatillugu qinnutigisamut naleqquttumi min-nerpaamik ukiumi ataatsimi sulereersimanissaq suli piunasaqaatigineqarmat, taannalu tunngavigalugu pissutsit piviusut aallaavigalugit ilinniarfimmu pineqartumut qinnuteqartartut annertunerusumik allannguuteqarnissaat naatsorsuutigineqanngilaq. Kisiannili ilinniakkamut pineqartumut akuerineqarnissamut qassinik ukioqalereersimanissamik piunasaqaatip aalajangiisuusarnera matumuuna qaangerneqassaaq.

### 4. Inuussutissarsiornermi aningaasatigut ingerlatsinikkullu kingunissai

Peqqussutissamut siunnersuut manna inuussutissarsiornermut aningaasatigut ingerlatsinikkullu kinguneqarnissaa naatsorsuutigineqanngilaq.

### 5. Avatangiisinut pinngortitamullu kinguneqarnissaa

Peqqussutissamut siunnersuut manna avatangiisinut pinngortitamullu sunniuteqassanngilaq.

## 6. Innuttaasunut ingerlatsinikkut kinguneqarnissaa

Peqqussutissatut siunnersuutip innuttaasunut aningaasatigut ingerlatsinikkullu kinguneqarnissaa naatsorsuutigineqanngilaq, tassa ilinniartut 18-inik 19-inillu ukiullit gymnasiami assigisaaniluunniit naammassereersimasut ilinniakkamullu naleqquttumi minnerpaamik ukiumi ataatsimi misilittagaqareersimasut ilinniakkanut qinnuteqarnerminni akuerineqarsinnaalernissaat eqqarsaatigissanngikkaanni. Tamatuma saniatigut siunnersuut ilinniartut ilinniarnerminnik unitsitsisimasut aallarteqqinniartut qinnuteqartunut tunngatillugu rektorip aalajangiineranut imaluunniit ilinniartup ilinniarfimmii anisitaaneranut tunngatillugu aalajangiineranut sapaatipakunneri sisamat qaangiutsinnagit maalaarnissamut periarfissinneqarnerat ilanngunneqarpoq.

## 7. Naalagaaffeqatigiinnermut aamma Namminersorlutik Oqartussanut attaveqarneq

Peqqussutissatut siunnersuutip Naalagaaffeqatigiinnermut tunngatillugu pissutsinut imaluunniit namminersorlutik oqartussaanerup nangittumik atuutsikkiartorneranut sunnuteqarnissaa naatsorsuutigineqanngilaq.

## 8. Pisortat ingerlatsiviinik kattuffinnillu tusarniaaneq

Peqqussutissatut siunnersuut piffissami 12. januarimiit 16. februaari 2010-mi makkunani tusarniaassutigineqarpoq:

Perorsaanermik Ilinniarfik

Naalakkersuisut Siulittaasuata Naalakkersuisoqarfia

Ineqarnermut, Attaveqarnermut Angallanermullu Naalakkersuisoqarfik

Aningaasaqarnermut Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Inuussutissarsiornermut Suliffeqarnermullu Naalakkersuisoqarfik

Isumaginninnermut Naalakkersuisoqarfik

Peqqissutsimut Naalakkersuisoqarfik

Nunamut Namminermut, Pinngortitamut Avatangiisinullu Naalakkersuisoqarfik

Aatsitassanut Ikummatissanullu Pisortaqarfik

Kalaallit Nunaanni Sulisitsisut (GA)

ILIK

SIK

PIP

KANUKOKA

KANUNUPE

ASG

NUSUKA

IMAK

KIK (Kalaallit Nunaanni ilinniartut kattuffiat)

Avalak (Qallunaat nunaanni kalaallit ilinniartut kattuffiat)

AK (Atorfillit Kattuffiat)

PK (peqqissaasut)

PPK (terapeutit, ernisussiortut, ergoterapeutit, fysioterapeutit, bioanalytikerit)

SSK (Kalaallit Nunaanni sulinermi aqutsisut)

MIPI – Videnscenter for Børn og Unge

Bedre Børneliv

Mælkebøtten

Nanu Børn

Tusarniaanermut killiliussap qaangiunnerani tusarniaavigineqarsimasut makku akissuteqaataat tiguneqarsimapput:

Aalisarnermut, Piniarnermut Nunalerinermullu Naalackersuisoqarfik, Naalackersuisut Siulittaasuata Naalackersuisoqarfia, AK, SIK, IMAK, Peqqissutsimut Naalackersuisoqarfik, KANUNUPE, Aatsitassanut Ikummatissanullu Pisortaqaarfik, PIP aamma GA, siunnersuummut oqaaseqaateqaanngitsut. GA-li ilanngussivoq siunnersuut ilalernartillugu, tassa naatsorsuutigineqarsinnaammat sulisussat ilinniagaqartut piukkunnassusillit qassinik ukioqarnerup killiliiffigineqarnera atorunnaarsinneqarpat sivilisunerusumik suliffeqarfinniissinnaassammata. Kiisalu tusarniaanermi akissut tiguneqarsimavoq

Aningaasaqarnermut Naalakkersuisoqarfimmiit (AN), tassanngaanniillu siunnersuut tapersorsorneqarpoq, soorlu aamma AN naliliivoq Namminersorlutik Oqartussanut kommunitulluunniit siunnersuut allaffissornikkut aningaasatigulluunniit kinguneqarnavianngitsoq.

## **Peqqussutissatut siunnersuutip ataasiakkaartuinut tunngatillugu oqaaseqaatit**

### *§ 1-imut*

#### Nr.1-imut

Allannguutissatut siunnersuutip kingunerissavaa ilinniartut perorsaanermik ilinniarfimmu qinnuteqartut akuerineqassagunik ilinniarnep aallartinnerani 20-nik ukioqalereersimanissaannik piunasaqaat pisariaarutissasoq. 20-nik ukioqalereersimanissamik piunasaqaatit atuuttup atorunnaarsinneqarnerata kingunerissavaa ilinniarfimmi ilinniartussatut akuerineqarnissamut piunasaqaatigineqartut tassaalissammata gymnasiami assigisaaniluunniit naammassereersimanissamik piunasaqarneq kiisalu ilinniakkamut naleqquttumi minnerpaamik ukiumi ataatsimi sulereersimanissaq.

#### Nr. 2-mut

Tassani allannguuteqartitsinissaq nr. 1-imi allannguuteqartitsinerup kinguneraa. Tamatuma kingunerisaanik qinnuteqartoq allamik ilinniagaqarsimasoq ilinniartussatut akuerineqarsinnaalissammata, tassa ilinniakkamut naleqquttumi minnerpaamik ukiumi ataatsimi sulinermik misilittagaqarnissamik naammassinnissimappat, akuerineqarnissamut misilitsinneq angusiffigisimappagu, ilinniagarlu alla perorsaanermik ilinniarnepmut naleqquttumik atuagarsornikkut imaqarsimappat.

#### Nr. 3-mut

Allannguutissatut siunnersuutip kingunerissavaa sapaatip-akunnerinik sisamanik piffissamik killiligaasumik maalaarsinnaatitaaneq, aalajangiinnerup ullulerneraniit naatsorsorlugu. Tamatuma kingorna ilinniartoq maalaaruteqarusuttoq alluinnermik imaluunniit semesterimik uteqqiinnermik periarfissamik rektorip aalajangernera pillugu kingusinnerpaamik sapaatip-akunneri sisamat rektorip aalajangiussaata ullulerneraniit Ilinniartitaanermut Siunnersuisoqatigiinnut maalaarutini tunniutissavaa.

Immikkorluinnaq pisoqartillugu Ilinniartitaanermut Siunnersuisoqatigiit piffissamik qaangiisinaanermut periarfissaat pillugu innersuussutigineqarpoq siunnersuutip nalinginnaasumik oqaaseqaatitaanni immikkoortoq 2b.

Nr. 4-mut

Allannguutissatut siunnersuutip kingunerissavaa sapaatip-akunnerinik sisamanik piffissamik killiligaasumik maalaarsinnaatitaaneq, aalajangiinerup ullulerneraniit naatsorsorlugu. Tamatuma kingorna ilinniartoq maalaaruteqarusuttoq ilinniarnermik unitsitsisimalluni ilinnialeqqinnissamik rektorip aalajangenera pillugu kingusinnerpaamik sapaatip-akunneri sisamat rektorip aalajangiussaata ullulerneraniit Ilinniartitaanermut Siunnersuisoqatigiinnut maalaarutini tunniutissavaa.

Immikkorluinnaq pisoqartillugu Ilinniartitaanermut Siunnersuisoqatigiit piffissamik qaangiisinaanermut periarfissaat pillugu innersuussutigineqarpoq siunnersuutip nalinginnaasumik oqaaseqaatitaanni immikkoortoq 2b.

Nr. 5-mut

Allannguutissatut siunnersuutip kingunerissavaa sapaatip-akunnerinik sisamanik piffissamik killiligaasumik maalaarsinnaatitaaneq, aalajangiinerup ullulerneraniit naatsorsorlugu.

Tamatuma kingorna ilinniartoq maalaaruteqarusuttoq ilinniarnermunit soraarsitaasimalluni rektorip aalajangenera pillugu kingusinnerpaamik sapaatip-akunneri sisamat rektorip aalajangiussaata ullulerneraniit Ilinniartitaanermut Siunnersuisoqatigiinnut maalaarutini tunniutissavaa.

Immikkorluinnaq pisoqartillugu Ilinniartitaanermut Siunnersuisoqatigiit piffissamik qaangii-sinaanermut periarfissaat pillugu innersuussutigineqarpoq siunnersuutip nalinginnaasumik oqaaseqaatitaanni immikkoortoq 2b.

Nr. 6-mut

Kalaallit Nunaanni Namminersorlutik Oqartussat pillugit inatsimmi nr. 473-imi 12. juni 2009-meersumi § 1-imi aalajangersagaavoq inatsisinik atortitsineq Naalakkersuisuniittoq. Aalajangersakkap allanngortippaa Kalaallit Nunaanni Namminersornerullutik oqartussat pillugit inatsimmi nr. 577-imi 29. november 1978-imeersumi inatsisikkut atorunnaarsinneqartumi aalajangersagaq assinga, inatsimmilu tassani § 1-imi, imm. 2-mi aalajangersarneqarsimavoq ingerlatsineq naalakkersuisuniittoq. Tamatuma nassatarisaanik siunnersuutigineqarpoq aalajangersakkap qallunaatuani tamakkiisumi ”landsstyret” allanngortinneqassasoq imaalillugu ”Naalakkersuisut”.

*§ 2-mut*

Siunnersuutigineqassaaq Inatsisartut peqqussutaat 1. august 2010  
atortuulersinneqalissasoq.